

Te whakarāpopototanga o te pūrongo paepito



Te Korowai
Whetū
Social Cohesion

Social Cohesion Guide

He whakarāpopototanga o te pūrongo paepito mō te social cohesion

Ko te whakarāpopototanga o te pūrongo paepito mō te social cohesion he pūrongo e whakamārama nei i te āhua o te social cohesion i Aotearoa i tēnei wā i runga anō i ngā mōhiohio e wātea ana. Ka tukuna e ia he wāhi tīmata hei ine i te social cohesion ā muri ake nei.

I Aotearoa, ka tū te social cohesion i roto i tō tātou porihanga ina tūhono te tangata ki te tangata, ina noho huānga te tangata, ka taea e tangata te whai wāhi, kua kitea ia, kua whakautetia ia hoki, kua kauawhi tōkeketia ia, ā, ka whakawhirinaki ia ki ētahi atu me ngā whakahaere kāwanatanga.

Kia tutuki ai te social cohesion me noho haumaruru, kauawhi, taunaki hoki ngā wāhi noho, ngā wāhi mahi, ngā wāhi tākaro me ngā wāhi ako; me noho matatika ngā pūnaha me ngā ratonga i roto i tō tātou nei porihanga, ā, me taea e ēnei te urupare ki ngā hiahiatanga me ngā take rerekē.

Kāore he huarahi kotahi hei ine i te social cohesion i Aotearoa, nō reira me whakamahi ngā puna maha o ngā mōhiohio me ngā raraunga kia whai māramatanga ai he pēhea te tino āhua o te social cohesion. I whakamahia e mātou ngā puna raraunga o te wā me ngā uiuinga i kohikohia i waenga i ngā tau 2016 me 2021. I te nuinga o te wā, he mōhiohio ngākaupai mō te social cohesion, engari i ētahi wā kāore te mōhiohio i te whakaata i ngā take nui ake te pīroiroi e pā ana te social cohesion. Hei tauira, ko nga mōhiohio e kohikohia nei, kāore e taea kia whakamahia i ngā wā katoa kia mōhio ai ki te social cohesion mō ngā rōpu iti iho i te porihanga.

E whakaatu ana te mōhiohio, mō te mahi a te tangata e noho nei i Aotearoa he tiketike te taumata o te noho huānga, te whakawhirinaki,

te whai wāhitanga me te toiora. Engari e whakaatu ana hoki ehara i te pērā mō ngā tāngata katoa. Hei tauira, ko ngā raraunga e pā ana ki ngā Māori e whakaatu ana mō rātou he tiketike te taumata o te noho huānga mā ō rātou whānau me tō rātou ahurea, engari he iti iho ngā taumata o te whakawhirinaki ki te kāwanatanga, ā, he iti iho te whai wāhitanga ki te mātauranga, ki te mahi me te pōti.

Waihoki, ka whakaatu hoki ngā mōhiohio ko te whakatoihara he aukati nui ki te social cohesion i Aotearoa. He teitei ake te taumata o te wheako o te whakatoihara ki ētahi rōpū, pēnei i ngā tāngata whakanōhia houtia (ngā rerenga) me ngā manuheke mai i Āhia, mai i ngā moutere o te Moana-nui-a-Kiwa hoki, i ngā mātua takakau, me te hunga kore mahi. Tokomaha ngā tāngata i pāngia e ngā momo maha o te whakatoihara i te wā kotahi, nānā nei i whakarahi ō rātou wheako kino. Hei tauira, he teitei ake te whakatoihara whānui o te wahine me ngā hapori āniwaniwa (LGBTQIA+), engari kē he rerekē te wheako o te whakatoihara mō te tangata i roto i aua rōpū i runga anō i tōna mātāwaka, i tōna whaikaha, i tōna aha, i tōna aha.

Hei whakakapi, e whakaatu ana te mōhiohio ka taea kia nui ake te kanorau ā-mātāwaka o ngā tūranga hautū matua i roto i te kāwanatanga me ngā ratonga tūmatanui. Ka whakaatu pai ake tēnei i te āhuatanga o te porihanga i Aotearoa.

Kua pāngia paitia, kua pāngia kinotia mai te social cohesion i Aotearoa nā te KOWHEORI-19. Hei tauira, kua hono ngā hapori ki te tautoko tētahi ki tētahi, engari kāore anō kia taea e te maha o ngā tāngata te tūtaki kanohi ki te kanohi ki ō rātou hoa, ō rātou whānau hoki, ā, nā te mate urutā i nui ake ai ngā take hauora ā-tinana, ā-hinengaro hoki. E haere tonu ana ētahi atu pānga nā te mate urutā KOWHEORI-19 te take.

